

八瓊室金石補正

八瓊室金石補正卷三十四

男 繼輝校錄

太倉陸增祥撰

吳興劉承幹覆校

唐 六

姜行本紀功碑 貞觀十四年六月廿五日 萃編載卷四十五額五行行三字萃編以額為標

題

治化所沾 缺治字 咸暨 咸誤成 灑海 缺灑字 裏泊 裏作夷缺泊字 閒屈

戎旅竊多榜五 缺戎旅竊多榜五字五誤玉 磨口至今靡遵聲教磨

注 缺遵聲教三字 廟諱 狻猊 缺狻猊字 蜂螫之毒 缺毒字 賊數 數誤殺誤 但

妖氛 缺但字 百木冰碎 缺碎字 葬日 葬誤 化齊得一 齊誤齊誤一字

陣開龍勝

缺勝字

胡風賁昏

缺昏字

司馬安□真詞

下二字缺

號卽號酒當卽泊榜五者旁午之異文磨卽厯厯

下右旁似局不可強識司馬下關中金石記作太

真詞具行五字諦審之真上似是安字具行二字

亦未的石泐處碑空不書萃編於前軍上作一□

非碑無標題萃編以額當之書體多乖殆非文人

所爲萃編多以正字錄入不具述未盈旬月月字

旁注庚子下碑有空格或以爲閏六月按六月丁

卯朔與通鑑目錄合是年閏十月非六月也據授

堂金石跋碑側可補八字而驍衛將軍授堂作武

衛未知孰是此本失拓碑有翻本字多謬謬

濮陽令于孝顯碑

高五尺五寸廣二尺二寸廿九行行五十八字字徑五分正書有界格篆額四行行四字字長徑二寸陽文題云大唐故騎都尉濮州濮陽縣令于君之碑在三原

大唐故騎都尉濮州濮陽縣令□君之碑

君諱孝顯字犀角河陰河南人也肇自赤雀棲戶白魚躍舟時經百代歲逾千祀崇基緬邇興嵩峨而齊高華胄芬芳共蘭蓀而竝馥廷尉以陰□□□名播漢朝將軍以陷陳揚麾聲流魏室自此琳琅接耀軒冕連陰雖張湯之七葉珥貂郗鑒之四世台鼎方之蔑如也曾祖

提魏孝文以勅勤地居□□氣接幽都陸梁狼望之前
掘強龍庭之外遂授公節鉞奉使宣威公喻以存亡示
其禍福勅勤犁頽樹領獻馬稱藩主上嘉使乎之功授
以佗北將軍隴西太守自魏厯將終周圖已堦先臣舊
佐咸加爵賞蒙授使持節太傅柱國大將軍封建平郡
開國公從班例也祖瑾周太師三老尙書右僕射柱國
燕國公謚曰文巨川舟楫鼎鑪梅褒理陰陽寒燠無
急舒之□弼諧王道□令有清靜之歌父禮周使持節
大候正將軍趙州刺史安平郡開國公周武帝親御
六軍問罪東夏躬麾九伐爰勅西師乃以公爲大使恕

知兵馬節度申公居州柱之□齊王讓帝弟之親戚皆

稟其英謨諮其進心公耳施十計開出六奇或飛書下

城或舉旗陷陣猶衝隨之卷寒摧旭日之泮春水曾未

浹辰僞都平蕩□武平齊之日惣集僞官謂高阿那肱

曰平鄉國者由此人也昔吕子牙之佐周号鷹揚而滅

紂王士治之翼晉歌龍驤而殲吳隔代相望□無慙德

君藥川岳之靈膺星辰之氣角立傑出高翥獨翔括百

行之權機軼九德之軌躅一室不掃陳仲舉之生平万

里封侯班仲升之意氣發巖電於神彩韞荆玉於匈懷

焉養如積風之運鵬昂昂如霄雲而逶騁開皇十三年

起家任右親衛非其好也阮嗣宗之傲誕屈以步兵馬
友子之文詞登之武騎俄而文皇晏駕煬帝嗣興剗刮
舊章草創新政瑋室瑤臺之制邁辛癸之宮車轍馬跡
之行越姬劉之韋公乃告歸託疾養素邱園不事王侯
鑿坏而已於是親賓斷問慶弔不通保周陂而訪三姜
依蔣徑而尋二仲甘樂山藪木石爲隣蕪歌唱而白雲
凝邱琴奏而元鶴舞讀張衡之賦且悅歸田諷宋玉之
詞甯憂失職逮隋風已替率土分崩九服移心三靈改
卜天星驟落海水飛萬姓噉噉瞻烏靡所太上皇
龍躍晉野鳳舉秦川揮寶劍而斬素靈擁神兵而膺赤

伏羣雄畢湊衆善咸歸遂杖劔轅門投□默欵蒙補左
武侯錄事參軍于時義甯元年也皇圖倂落 帝典權
輿王□充叛換洛川竇建德犇陵河朔蟻聚蜂扇狼顧
鷄張軋掠我黎元違拒我聲教眷言經略理資英傑乃
授元帥府鎧曹叅軍於是破八開堡清城宮□太陽門
陷陣先登獲勲第一蒙授騎都尉武德四年授雍州錄
事叅軍虜神州之要居輦轂之下五方雜沓四民設阜
糺撓姦伏思若有神不待赭汗之權詎勞鈎距之詐貞
觀元年又授朝議郎行濮州濮陽縣令君下車布政除
煩去瘼而移風易俗□□三年俗富刑清纔踰朞月還

牛恕米是表於深仁馴雉移蝗彰彰於善政豈止沉丕
鄴縣留神灌壇而已哉水積歸塘竟滔滔口東注日沉
昧谷遂黯黯而西徂辰已之夢忽鍾膏肓之祟便及以
貞觀十年四月四日寢疾卒于濮陽官舍春秋六十四
陶潛琴酒對彭澤而誰懼言憊絃哥臨武城而莫奏鳴
呼哀哉君器宇淹凝風神秀逸襟懷肅穆與寒松而並
勁志氣蕭條共秋天而競爽履仁爲度蹈義成基不以
富貴矯人常以謙虛待物可謂淋人君子邦家之彥者
歟爰以 貞觀十四年歲次庚子十一月壬寅朔十日戊
子遷窆于雍州三原縣洪壽鄉之原夫人李氏平昌縣

主

皇帝堂姑王姬下降作嬪君子四德□□中饋六行懋
于閨儀婉孌馳聲幽閑表德既而于君長逝守志孀居
同穴之義莫從異路之悲奄至撫育遺稚皆遵禮度雖

享豕存教斷織貽訓曾何足云嫡子亡則等並學稟箕
裘德齊顏閔竭忠貞以事主極愛敬以安親列鼎切季
路之懷從車軫曾叅之歎乃詢諸古老孝之前代紀素
譽於元石刻遺範於幽埏庶感風樹之悲以慰寒泉之
思文曰

逝矣洪源遐哉峻趾崇山億丈長河千里陸離英彥森

梢杞梓纓冕通承琳琅間起

其一

廼祖英果懷懷申霜廼

父誠績諄諄勤王雄圖獨運逸氣孤翔東佗獻凱北使

歸壇

其二

萬生君子風神特達□侍丹墀警巡紫闥腰鞬

負羽橫戈戴鵬騶駉既馳湛盧方割

其三

有隨道匪滄海

橫流知換體命卜築林邱

一人御物六合承休翻然

筮仕佐府叅州

其四

叅州伊何繩違紕惡佐府伊何檠弓

砥鐸姦魁息訟邊隅靜析衢路風生戈矛霜落

其五

一同

出宰百里□風霜威狡猾露惠釐窮庾期永錫如何不

終武城絃絕彭澤

樽

空

其六

人事

浮

佖生靈□□孫楚長

埋韓□永逝朝思餘藻野悲遺惠先秋刈蘭當春剪桂

其七

□□□□□□□□□□俄悲谷徙遽歎舟藏松風厲□

□□□□□□□□□□□□□□

孝顯之曾祖提魏書與朱長生同列節義傳以使高
車不辱命歸拜隴西太守賜爵五等男祖謹字思敬
周書有傳保定三年詔以太傅燕國公謹爲三老帝
親幸太學以禮食之天和二年授雍州牧三年薨於
位贈雍州刺史諡曰文父禮謹之第四子上大將軍
安平郡公周書附見謹子實傳唐書宰相世系表誤
以禮爲謹之第八子世系表又謂謹從西魏孝武帝
入關遂爲京兆長安人周書謹傳則云河南洛陽人

此碑又云河陰河南人也唐書謹曾孫志甯傳亦云
京兆高陵人蓋謹子實翼義皆家關中其後爲京兆
人孝顯父子則仍居祖籍爲河南人河陰郡東魏所
置今孟津縣地河南縣卽今洛陽縣地孝顯之祖周
書本傳及唐書世系表皆作謹獨此碑作瑾孝顯之
竈以壬寅朔十日當是辛亥碑作戊子誤筠清館
金石記
按唐書宰相世系表于氏出姬姓周武王子邗叔子
孫以國爲氏其後去邑爲于氏自東海郯縣隨拓拔
隣徙代改爲万紐于氏後魏孝文時復爲于氏栗磾
生洛拔洛拔生天恩天恩生仁仁生子安子安生子

提北史于栗磾傳栗磾孫致致弟天恩天恩子仁生
位太中大夫仁生子安定平原郡太守高平郡都
將安定子提隴西郡守唐書以仁生作仁安定作
子安誤子提之子衍此碑與魏書節義傳周書于謹
傳並提主謹從西魏孝武帝入關爲京兆長安人此
作提
碑云河陰河南人者後魏都洛陽洛拔諸子皆徙河
南從孝武入關則自謹始而周隋史傳仍以謹爲河
南洛陽蓋于氏兩京皆有第宅如兩唐書于志甯傳
並云高陵人京兆屬縣據志甯墓碑薨於東都安衆里第
而傳亦以爲卒於家也白魚赤雀系朔姬周廷尉名
播漢朝謂于公之啟定國將軍聲流魏室謂栗磾以
冠軍將軍佐道武平趙魏也魏書節義傳于提與朱

長生使高車阿伏至羅脅之降不從積三歲乃得還
高祖以守節同蘇武甚嘉之拜提隴西太守賜爵五
等男北史高車傳太和十四年阿伏至羅奉貢孝文
使于提往觀虛實阿伏至羅與窮奇遣使隨提朝貢
詔員外散騎侍郎可足渾長生復與于提使高車唐
書回紇傳其先匈奴元魏時亦稱高車部或曰勑勒
碑云奉使勑勒勑勒卽勑勒勑勒卽高車與魏書北
史正合唐書又稱回紇依託高車臣屬特厥近謂之
特勒又突厥傳可汗者猶古之單于其子弟謂之特
勒通鑑考異特勒諸書或作特勤今從新舊二唐書

于藏涼國公契苾明碑乃武后時婁師德製文殷元
祚正書序云明祖繼莫賀特勤銘云特勤垂裕顧氏
炎武金石文字記載柳公權神策軍碑有大特勤咀
沒斯並作特勤是碑勅勤地居□□勅勤犁賴一見
再見字皆作勤蓋勅之作特以音近而通勤之作勒
以形似而誤顧氏據史而疑石刻錢氏大昕養新錄
則據碑以訂史文得此證之錢說彌允史多傳寫失
真碑乃當時手蹟必以爲書碑筆誤焉有一碑屢誤
諸碑同誤不謀而畫一耶是史誤而碑不誤也□西
闕字當卽隴西北史謂周保定二年以子謹著勲追

贈太保建平郡公據碑則建平之封乃從班例惟太保爲追贈故碑不之及也于謹史皆作謹碑作瑾以字思敬推之從謹爲正碑書誤也宰相世系表謹九子實翼義智紹弼簡禮廣表詳實翼義子孫世次餘皆未列北史謹子實實弟翼翼弟義義弟禮禮弟智智弟紹紹弟弼弼弟蘭蘭弟曠蘭與簡曠與廣字既小異而序次亦殊實子仲文獄中上書有云弟二叔翼弟三叔義弟五叔智則禮次於義較爲有據禮上將軍趙州刺史安平郡公官爵正與碑合碑文父下闕字爲禮無疑

祥業碑不闕

齊王處帝弟之尊謂周武弟

憲建德三年以齊公進爵爲王鼎臣句上下闕三字
與齊王句對或指韋孝寬諸人建德六年滅齊碑文
武平齊句上闕一字卽周字高阿那肱齊丞相密召
周師者晉書王濬字士治隔代相望□無慚德以上
皆敘孝顯先世官勛隋書百官志左右衛掌宮掖禁
禦督攝仗衛各統親衛自隋文帝開皇中葉至煬帝
大業季年孝顯隱居觀變迨唐高祖起兵太原克長
安立隋代王侑爲皇帝改元義甯孝顯乃與羣雄投
款義甯二年高祖受禪武德元年以太宗爲西討元
帥進位雍州牧拜左右武侯大將軍二年王世充稱

帝於東都賓建德定都樂壽國號曰夏碑所謂叛換洛川馮陵河朔也三年太宗討世充敗之於北邙四年敗建德於虎牢擒之世充降左武侯錄事參軍元帥府鎧曹參軍雍州錄事參軍皆仍隋職而爲太宗屬官陷陣獲勳卽從太宗定亂也隋地理志濮陽縣屬東郡武德三年杜才幹以濮州降唐蓋新附之地方資綏輯特以孝顯爲濮陽令也貞觀十年孝顯年六十四則生於周武帝建德元年是歲陳宣帝太建四年齊後主武平三年此碑金石家皆未著錄嘉慶二十年靈石翟桐墅兵備鳳翔宰三原得以拓贈碑

文幾一千六百字剝蝕者止數十字惟末行殘闕撰

書者皆無攷耳

金石
續編

碑在三原縣淡村無撰書人姓名筆意與衛景武
公碑相類時帶隸法孝顯先世前跋已詳惟授征
北將軍魏書北史所不載碑言太傅周書北史均
作太保瑾爲尙書右僕射周書北史均作尙書左
僕射其拜尙書左僕射在大統十二年孝閔踐阼
遷太傅太宗伯授雍州牧卒贈太師雍州刺史碑
言太師而不及其餘可也何又言尙書右僕射邪
禮爲大將軍北史作上將軍周書作上大將軍亦

復歧異碑言大候正史所不詳大候正北周官名
 未詳所屬碑多別字尙沿六朝陋習如岱作岱馥
 作馥楫作梢鹽作鹽變作變整作整稟皆作稟落
 作璿關作關樵作蕉偃作偃爽作爽作慤者不
 可悉數惟厥作耳曾作匈不作不歌作哥疆作圉
 爲合於古至驕人作嬌嫠窮作釐皆音同假借字

楊州都督襄公段志元碑貞觀十六年四月十八日萃編載卷四十五

鷹揚之□□於邾鄒缺邾鄒二字雅頌雅誤雲和於缺和於二字

西周缺西邁中消功銘缺中消銘三字漢□士初缺士初二字平王

世充缺平日棘缺棘雖漢后之痛□孫晉缺漢后痛晉四字委

質運始宣力口國

缺委宣力
國四字

牆宇

缺牆
字

軼冠賈

缺軼
字

碑云詔司存圖形於戢武閣金石錄謂河間元王與
此碑皆云圖形戢武意凌煙先名戢武後改之耳攷
舊唐書本紀貞觀十七年詔圖畫勳臣於凌煙閣河
間元王以貞觀十四年薨志元以貞觀十六年薨其
時本圖形在戢武閣迨十七年改畫凌煙而戢武之
制遂廢玉海引實錄太宗與公卿謁太上皇於戢武
殿置酒爲歡乙夜方散明日復置酒於凌煙閣戢武
閣其卽戢武殿歟

平津讀
碑記

長安志戢武殿在大安宮凌煙閣在凝陰殿南凌

煙閣之西又有功臣閣疑戰武閣即功臣閣也

文州總管陸讓碑貞觀十七年十一月廿六日 奉編載卷四十六

胙土□周缺胙土六□職缺六晉世缺晉傳之□策

缺策袖寄寄誤長史缺長因即缺因有寄缺有雖累葉

奄□缺葉奄世載缺世兵戎缺戎默替之道缺默替舌

信缺舌警□衛缺衛將相缺相干邑干干謨懋賞賞賞誤誤大

納言缺大言器□□□□□在□久缺識在可

廣州缺可十季缺十字字彼萌黎缺萌政成缺政百越

鐵百汪□□澄缺澄二月還□京缺還京二二字字此此真公

之謂矣缺真公七年缺七□宏獻替缺替注替字字又又宏宏字字失失廟廟諱諱他

碑中如此愍官缺官則哲缺則
者甚多也字

隋陸讓碑在三原縣額題隨文州總管光祿卿陸使
君碑十二字正書文凡千二百字磨泐不能成誦就
可辨者爲節其略云云銘凡三百二十字全泐末二
行一行太子洗馬某人撰一云太原郭儼書隋唐石

刻拾遺

萃編載葬日存貞觀□七年歲次癸卯十□月□
未□□六日壬寅字案癸卯是貞觀十七年隋唐
石刻拾遺錄作十九年誤訪碑錄作二十七年尤
誤貞觀只廿三年也又案通鑑目錄是年九月丁
丑朔十二月丙午朔以此推之則朔日直未當是

十月未上當是丁字十十一兩月有一小盡故十二月朔直丙午惟朔日丁未則是月不得有壬寅且碑於十下月上尙有一格均不相合竊意是十一月丁丑朔則壬寅爲廿六日是月小盡十二月朔直丙午碑已泐萃編誤丑爲未也本紀是年十一月己卯郊壬午賜酺己卯是三日壬午是六日亦無不合碑書氓黎作萌黎氓萌古通又訪碑錄云陳□□撰陳疑陵字之誤□陵爲撰人之里貫與郭儼之署太原同又隋有李安隴西狄道人官大將軍封趙郡公疑卽夫人之父萃編誤安爲晏

也石本已泐

經行寺舍利塔題記

石方七寸二分四行行十字
後空字徑七分正書

大唐貞觀十八年太歲甲辰十月辛丑朔經行寺僧曇
徹共鄉人造塔舍利廿四粒

字畫謹嚴方勁唐刻之佳者

絳溪石佛寺造象七種

在簡州

比邱明幹題記

高九寸廣八寸記刻象右六行
行字不一字徑五分許正書

貞觀廿一年三月廿八日北邱明幹爲□□□父母兄
弟敬造弥勒仏像一龕供養願藉茲勝緣過去亡考生

○兜率天見弥勒仏法界衆生普同供○

比誤刻作北

○○○妻黃題記

高五寸廣一尺三寸十三行
行字不一字徑六分正書

弟一行闕

月十日

○○○妻黃

○○○大慈○音啓蔭

四界輟敬機

缺

寫真容敬造

缺尊像二龕一龕

缺○

○○○心一龕考

缺

○○○高岸爲

缺

長存海變衆

缺

○

出四生六道同沾

龍泉里○惠男元幹題記

高一尺四寸廣一尺一寸
行行存十二字字徑

七分正
書左行

簡州陽安縣枿成鄉龍泉里○妙

缺

惠男元幹報鑿粧

西方無□世缺弥□□壹龕并广□舍兩間□□缺

杆□家□平安國土安□皇帝聖化□窮福□万

葉龍□歡□風缺時五穀豐登田□万陪六畜□健缺

眾生同□□□□請七僧表慶謹缺□三缺李□□男

母□缺元溢新婦缺元缺忠□忠□缺上缺□

□□雙佛

倍書作陪下拓未全約兩字許

丁公器題記高一尺四寸廣八寸入行行存字

缺□□□弟子蘭州□□缺三騎尉丁公器缺□□□

□□怙恃之思□缺□□神□□缺相繼潛耀毀□

二二

五五五

忝承言有懷痛心□

缺

☐

☐

☐

口口
缺

思□耀庶幾□□

缺
行空

極
□
□
□
以
酬
神
□

缺
□
□
□
□
道
□
缺

路榮題名

高一尺廣二寸一行字徑六分正書

弟子路榮為亡□□父缺

10

韋行本題字

高一尺廣一寸五分
行字徑七八分正書

弟子韋行本敬造供養

比邱行敦題字

高八寸廣一寸五分
一行字徑六分正書

比邱行敦敬造供養

晉祠銘碑

貞觀廿一年七月卒編載卷四十六有闕謬并未錄碑陰

作輔作誤石鏡石誤油雲膏雨斯起其至仁也缺斯起

規裳覓規作體聖賢之屏仲缺賢信乃茲泉表異帶仙宇

而為珍缺帶仙宇豐榮連箱缺榮望之而逾顯缺顯字

志作是輔非黍稷缺輔是依豈筐籠之為惠缺豈筐以

祈嘉福爰初鞠缺爰初洪業實賴神功故知茫茫實

賴神功故則有缺之害缺無德不報所以巡往

跡缺不報明神所歆缺神地祇仰德缺祇仰竹帛降靈

汾晉缺降字山西霧筵霄碧缺筵

碑陰七行行字不一字徑八分許前二行較小非一

司徒太子太師上柱國趙國公臣無忌四明

太子太保上柱國宋國公臣瑀

特進太子詹事兼左衛率上柱國英國公臣勣

光祿大夫刑部尚書上柱國鄖國公臣張亮

禮部尚書上柱國江夏郡王臣道宗

太常卿駙馬都尉柱國安德郡公臣楊師道

正議大夫守中書令太子左庶子兼攝吏部尚書護軍

臣馬周

上七行是立碑時所刻

附

□禹錫題名

二行共十一字字徑五分正書在右方下角

聖宋皇祐辛卯生日□禹錫

辛卯爲皇祐三年

邢佐臣等題名

三行行六字字徑一寸二分正書左行在碑側呂升卿題名之上

大宋至和二年四月十日邢佐臣余藻同來

范陽盧大雅等題名

九行行七字字徑六分正書在左方會布等題名之下

熙甯戊申歲秋九月十四日范陽盧大雅君美臨川王

安禮和甫清源王平安國同謁

晉祠舍均福常明日如白雲石甕宿明仙又明日遊甘

泉開化而歸李題

太原王安脩等題名

四行行七字字徑一寸五分正書在盧大雅題名下

太原王安脩世長廣平程易先之安陽蔣攸渭公熙甯

癸丑孟夏同遊

龐京孫等題名

二行行八字字徑
正書在卻壩題名之左

龐京孫同弟公孫男山來元豐三年八月

府判邢平等餞送題名

四行行十七字字徑七
分行書在唐刻之左

大帥王公得請還青社府通判邢平權叔陽曲縣令崔
袞規臣從事慮訥仁老喬震伯起袁百之必強主薄江
高餞送元豐七年正月八日記

呂升卿還朝題記

六行行字不一字徑八分行
書左行在王脩題記之上

元豐七年正月予伯兄吉甫帥太原五月升卿被

旨來面授所議事入奏六月十七日還朝過晉祠姪維
洵及余中李士亨高陟明餞送至此男洞侍行溫陵呂

升卿明甫題甥余徹

安撫使曾布等禱雨題名

十一行行八字字徑寸許正書在左上方

龍圖閣學士河東經略安撫使曾布提點刑獄朝議大

夫范子諒躬率寮吏禱雨

祠下通判太原軍府事田

盛高復簫書河東節度判官盧訥知陽曲縣馮忱之走

馬承受王演檢法官史辯從行元祐丙寅歲七月十三

日訥謹題

刊者任貺

丹楊邵堦題名

二行行八字十字字徑七分行書在陳知存題名之左

丹楊邵堦伯友恭謁

靈祠元祐己巳仲春二日

魯郡侯曾布告違題記

五行行十四字字徑七分正書在碑側上方

魯郡侯曾布以元祐丙寅歲閏二月庚戌出帥河東四月丙辰至太原視事己巳四月丙午易守真定五月辛卯率僚吏告違于晉祠之神丙申受代而東子壻興國吳則禮書

王脩脩廟題記

六行行十一字字徑六分正書

紹聖三年四月二十一日

大帥左轄王公命王脩

永之尋新廟宇是年七月初二日邱括公度王□元規

來按視呂珣溫甫蕭經臣伯隣偕行王良弓製之舊役

同至

轉運使陳知存題名

五行行七字字徑寸許行書在唐刻四五六七行之下

紹聖乙亥嘗恭謁晉祠政和乙未再到六月十二日卒
路轉運使陳知存謹題姪銳從行

提刑苗仲淵題名

三行行字不一字徑寸許行書在王安石題名之左

開封苗仲淵師顏自湖南提刑移本路政和五年十月

晦祇見

祠下男丕侍

右晉祠銘在太原府西南四里元和郡縣志晉祠

一名王祠周唐叔虞祠也晉祠銘在乾陽門街貞觀

二十年太宗幸并州所置御製并書冊府元龜亦云

太宗貞觀二十年正月幸晉祠樹碑製文親書之于

石今碑有太宗飛白書貞觀廿年正月廿六日九字
題額舊唐書太宗本紀貞觀十九年十二月戊申幸
并州二十年正月上在并州三月己巳車駕至京師
碑正其在并州時所作金石萃編以碑首題二十一
年七月蓋未見此額沿朱竹垞題跋之誤

平津讀碑記

按唐太宗晉祠銘碑陰諸臣題名并太宗飛白題額
貞觀廿年正月廿六日九字萃編皆失拓但見碑首
有貞觀二十一年七月題字據以編年與孫氏訪碑
錄皆沿朱竹垞之誤也元和郡縣志冊府元龜唐書
太宗本紀云云

與前跋同

以碑額證之並合題名七人皆

從行諸臣新書宰相表長孫無忌蕭瑀李勣張亮馬
周結銜皆同史稱十九年十一月吏部尙書楊師道
左遷工部尙書此稱太常卿當是十一月後再貶是
年十二月勅禮部尙書江夏王道宗發兵鎮朔州中
書令馬周攝吏部尙書與碑銜並合二十年三月己
丑刑部尙書張亮斬於西市四月甲子太子太保蕭
瑀解太保皆車駕還京之後據以證碑陰碑額尤不
得系以二十一年七月矣

金石續編

萃編跋云化輔當是作輔審諸拓本本係作字王
氏偶未細審耳山西通志載有此文碑所闕泐據

以補注於旁志載亦多譌誤不復贅述碑陰題名
七人王氏跋內言之而仍復失錄殆誤于繕者之
手邪首行下有四明二字確是當時原刻箸錄家
從宋言及無忌洛陽人此二字未知何故宋題名
廿九人山西通志職官只列曾布王安禮二人志
云曾布元祐元年以龍圖閣學士知太原府王安
禮紹聖二年知太原府餘俱失載苗仲淵爲湖南
提刑湖南通志亦失載皆可據以補志之闕此題
名云河東經略安撫使者蓋卽以知太原府充之
也王安禮安石之弟河東唐介辟爲幕職除著作

佐郎崇文院校書遷直集賢院厯知潤與湖州爲
開封判官俄直舍人院同修起居注尋進知制誥
以翰林學士知開封府元豐初拜中大夫尙書右
丞轉左丞久之以端明殿學士出知江甯元祐中
加資政殿學士厯揚青蔡三州爲御史言落學士
移知州紹聖初還職知永興軍二年知太原府此
題名在熙甯元年尙是河東幕僚時也陳知存嘗
爲京東路轉運使魯孔夫子廟碑側有其題名時
爲政和改元季秋盧大雅題云舍均福堂明日如
白雲石甕宿明仙又明日遊甘泉開化而歸案元

至元間弋穀重修晉祠記云祠南大池西岸有流
盂池池上曰均福堂据此刻則重修時未經更名
尙仍其舊城西十五里有白雲迎福寺在龍山相
傳爲唐裴休退隱之所懸甕山在縣西十里古晉
祠卽在其麓山腹有巨石象甕因以爲名山有懸
甕寺北齊僧離辨緣山鑿石室所建西南十里有
明仙寺亦在龍山金趙可有自白雲石甕至明仙
詩云白雲下明仙巖路縈九折是所謂白雲者卽
龍山之白雲迎福寺也石甕者卽懸甕也龍山之
南有明仙峪此云宿明仙卽明仙寺也又西北十

里有蒙山下有甘泉一泓相近有開化峪甘泉寺
在焉後晉蘇禹珪有重修蒙山開化莊嚴閣記是
所謂甘泉開化者卽其地也碑有飛白書額題立
碑年月金石錄目云二十年七月潛研堂目訪碑
錄曝書亭集金石萃編均作二十一年七月平津
讀碑記金石續編筠清館金石記皆作廿年正月
廿六日未見拓本仍從萃編原次碑側尙有題名
六種亦未見拓本又案文有云襟帶邊亭邊亭二
字難解山西志作邊方而碑刻實係亭字或謂是
亭之誤

文安縣主墓誌

高一尺九寸四分寬一尺九寸五分正書二十九
行行二十九字字徑五分有界格正書在乾州
大唐故文安縣主墓誌銘并序

主諱 字 隴西成紀人也夫天靈啓聖跡被崑崙之

墟皇維命氏道光□夷之土至於補元立極之功駕羽
乘雲之業握瑤圖於景宿懸寶祚於貞明其唯 大唐
者歟 曾祖元皇帝被風化於墳枚始艱難於邠籥

祖武皇帝升陟誓牧之振汾水襄城之駕卷懷列辟財
成群有父巢刺王劼珪疏奧壤戚茂維城霄楚澤之雕
雲聚淮南之仙氣遂使茗華孕美結綠開環景溢星潢

輝聯珠襖晨栖阿閣聲調丹穴之禽夕拍瑤池色麗青
田之羽及其薏□蘭掖漸潤琳庭水移銀箭尙敷衽於
師氏燈滅金羊已鐫環於□傳栖志圖史遊心幾律昀
萋葉而興勤聽喈音而遺誠意匠言泉之旨飛雲垂露
之端柳密莊窓乍起流鶯之賦月含花簾曰裁擣衣之
篇採桔募組之規澄漠紘緼之務靡不思窮妍麗愿歸
閑謚貞觀十五年正月五日封文安縣主脂賦開榮公
宮從訓乃以其月十四日降姻於工部尙書駙馬都尉
紀公之世子段儼華舒襪圃秀發天蹊迓兩生暉副笄
增飾尸芳牖下既奉宣平之奠思媚諸姑還侍河陽之

簫嬪儀載穆閨饋惟馨循淑性於玳瑁韻柔情於琴瑟
瞻翳霓而遐撫歌悅懌而長懷朝露溘晞詎留光於瑤
草秋風忽起空滅彩於瓊林弄玉乘煙怨吹簫之伎巧
常娥飛月痛仙丸之不追以貞觀廿二年二月三日卒
於長安頌政里之第春秋廿六嗚呼哀哉惟主心資淑
慎體茂清明瑤霜絳雪不能渝其操秋菊春松有以方
其質香名遠集尙申貳於芳禱各言斯屏每含辭於蘭
氣信以輔藻中闈抑楊內範淑人不永傷哉如何怨家
道之無庇痛菴退之何託戚里薰酸宸襟殷歎卽以
其年三月廿二日陪葬于 昭陵窆旁所由 恩旨隨

給周京歸鵬寵切於前哀漚水會盟事踰於昔禮湘川
之下還見舒姑之泉耐隅之陰方傳貞女之硤採彤管
之遺詠彫芳塵於不朽其詞曰

帝降元圃宸居紫微金柯疊秀璇萼分暉桂輪澄彩星
津結罪誕茲卜泚克嗣音徽延慈丹禁稟訓彤闈綴珠
爲眼雕玉成衣拂景孤暎淩霞獨飛婉婉其性透迤其
質春緒含雲秋情儷日降殯君子來宜家室李任初華
梅林未實絮資芳錡心調友瑟鳥變祿祥熊耐夢吉願
菟俄掩奔駒遽逸卜遠將及靈駟已巾音儀遂泯禴翟
空陳平原改色清渭迷津埋龍毀劒碎壁侵塵佳城日

黯燧路泉新帷傷奉倩簞恨安仁一生何有萬古銷春
縣主爲駙馬都尉段綸之子婦綸尙高密公主夫婦
陪葬昭陵志云縣主亦陪葬其地唐書載昭陵陪葬
公主十八人而不及縣主從來金石家亦不載此誌
誌中靄作靄禽作禽盼作盼妝作莊鶯作鶯徒作徒
帚作帚窈窕作靄靄徒作徒卒作卒戎作戎黼作黼
抑作抑藐作藐徑作徑駒作駒澶淵避高祖諱作澶
水世字直書不避太宗御名終唐之世世字皆缺筆
作世太宗時尙無是令也

古誌
石華

唐巢王元吉女文安縣主墓誌見於寶刻叢編卽此

誌也縣主以貞觀廿二年卒其年廿六則武德九年
元吉見殺纔數歲耳夫以元吉之狼戾自禍太宗猶
庇育其女以長以嫁既卒且陪葬昭陵不可謂非錫
類之厚也

筠清館
金石記

右墓志廿九行行廿九字正書字徑五六分縱橫有
界格予以史攷之文云高祖元皇帝乃唐高祖之父
隋安州總管柱國大將軍昭也曾祖武皇帝卽唐高
祖也高祖初謚大武後至高宗上元初改謚神堯皇
帝墓志作於太宗貞觀時故稱武皇帝惟云父巢刺
王劼据新唐書高祖諸子列傳有元霸元吉元霸卽

太宗皇帝高祖初受禪立世子建成爲皇太子太宗
皇帝世民爲秦王元吉爲齊王至武德九年元吉與
太子謀害秦王事泄秦王皆殺之及五子並伏誅貞
觀初並改葬元吉追爵海陵郡王及謚改封巢以曹
王明嗣故列傳稱巢刺王元吉刺其謚也然則文安
縣主之父巢刺王劼卽元吉明矣攷傳數高祖諸子
多以元字爲排行則其名似本作元吉或亦貞觀追
爵改封與謚時改爲劼而史家失攷耳曹王明乃太
宗之子蓋太宗登極旣追爵改封并爲立嗣故其女
亦得封縣主而降姻卒後并陪葬昭陵也文稱降姻

於工部尙書駙馬都尉紀公世子段儼者攷唐書諸
公主列傳高祖女高密公主下嫁長孫孝政又嫁段
綸綸隋兵部尙書文振子爲工部尙書杞國公則段
儼卽段綸之子傳作杞國公實紀國公之誤字也宋
敏求長安志載長安縣六鄉管六里義陽鄉在縣西
南二里管布政里而無頒政里畢尙書案裴耀卿撰
冀公希球神道碑有葬于長安市政里賜第之文又
于見咸亨四年韓寶才墓志云殯於京城西布政之
原然長安志言皇城西十三坊有頒政坊又有布政
坊疑此言頒政里卽頒政坊隋書百官志言仁壽三

年京都諸坊改爲里皆省除里司官以主其事則里本卽坊也坊與里可通稱長安志昭陵圖內失載文安縣主墓据此可補其遺漏文於諱字下皆空而不書蓋文安縣主本無諱字也其文無撰書人姓名而典麗華美字體亦工整有法當出翰苑名公之手此刻金石家皆未著錄恐亦近年出土者于於紉之葉君處見拓本假錄也

古泉山館
金石文編

案唐文安縣屬河北道莫州文安郡李氏舊望隴西故高祖生於長安本紀仍繫以隴西成紀人也元皇帝昀隋封唐公安州總管柱國大將軍諡曰仁高祖

卽位追謚曰元皇帝高祖謚曰大武故稱武皇帝巢
刺王高祖子太宗母弟兩唐書及通鑑皆作元吉云
以元吉字合之其文成唐此誌作劼豈巢刺王名劼
字元吉以字行邪元吉死子皆伏誅貞觀初追爵海
陵郡王及謚後改封巢以曹王明嗣太宗子曹王明
母楊氏本巢王妃帝寵之欲立爲后魏徵諫不可以
辰羸自累乃止駙馬都尉紀公謂裴綸也高祖女高
密公主降婚段綸爲工部尙書杞國公與此誌合惟
杞紀小異耳高密以永徽六年薨文安降姻及卒皆
高密在堂也頒政里長安志皇城西第一街街西從

北弟三坊巢王諸子被誅文安獨蒙封冊且得陪葬
昭陵禮同公主蓋亦楊氏所生長於宮中爲太宗鍾
愛故子以母寵歟高密公主段綸墓並見昭陵圖而
本傳不書陪葬文安陪葬兩唐書及會要通考游師
雄李好文圖說皆未載當据此志補之石嘉慶初出
於醴泉爲乾州士人所得何知州承薰岳吏目廷鑒
各貽拓本書法在歐褚之間可寶也金石續編

古誌石華載此志道光之下以意補入華字而志
石已損缺矣貞明作貞閨漸潤缺潤字傳上所缺
作內字恐亦以意補者拮作拮从手旁暉作暉思

媚作私媚遐鴛作霞鴛補作補鮒閭作鮒魚堪作
隨皆誤又志中簪作簪簪作簪屬作屬咎作咎是
作遷服作服皆黃跋所未及以元吉之女得封縣
主陪葬昭陵陸氏謂子以母寵近於羅織以縣主
為楊氏所生殊無確證

司徒鄂公孔穎達碑貞觀廿二年六月十八日

冠□神羊權權上三字任司御馬缺御馬二字驂驎少□逮驂下

三字未面缺未字百氏牢籠曹許孕育毛□缺百氏曹許孕育毛七字

巨猾□茲鴛□□熬□□鴛張上六字均缺秦府缺秦之危

疑缺危字公匡弼缺匡弼二字威□五彩缺威字隨運缺運字靈□

字缺降

字缺席

字缺

字缺

若晉

百人

映若

字韻

101

33

1003

共端

公牆

一字王

制

禮字部

1. 展

宇鎮恩

改錯

字補改

里娃

類
字
錄

策士

高孫

第
字

築臺第一講

筆

碑稱貞觀四年加員外散騎常侍□太子中允本傳

不載奉勅□撰五經義疏本傳作義訓

碑平
記

拓本僅得半截先就所見補之

和采米舊題字

高一尺五分廣存五寸七分六行行
字不一字徑五分正書在長安出土

貞觀廿三年十二月廿

九日

大街西從北向南第一院

從北向南第六行從西向東第十三竇納和

宋米四子

四百石

第二頭一

千五百石

和采官人右領軍騎曹賈

仁素

左衛兵曹杜

元逸第二頭

二千九百

石和采官人

平淮

丞蔡逸

雍州臬軍口師利左監領校尉馮

武達右

監門校尉素和隋客匠張阿到太倉府步勣監事趙賢

丞宋實口田強和采副使左監門長史王元榮大任殿

中丞長孫文則司農卿清河公楊宏禮

此唐太倉米窖甄亦湯希山拓本攷詳粟窖甄後六

典粟支九年米及雜種三年唐書楊宏禮傳高祖卽

位詔襲清河郡公除太子通事舍人貞觀中累遷中

書舍人拜兵部侍郎掌行在機務還拜中書侍郎遷

司農卿為崑邱道副大總管下遷涇州刺史永徽初

遷勝州都督改太府卿宰相世系表宏禮中書侍郎

太府少卿甄書司農卿舉專職也素和姓陶名元和

姓纂素和鮮卑檀石槐之支裔後魏有尙書素和跋

右將軍素和突以本白部故號素和孝文改為和氏

北齊書恩倖傳和士開其先西域商胡本姓素和氏

大厯時有太子左學士素和顏望出河南姓纂有杜

元逸司門郎中餘俟考

金石續編

和糴之名始於後魏通鑑梁武中大通六年魏謀遷

都擁諸州和糴粟悉運入鄴城注和糴以充軍食蓋

始於此王應麟亦云後魏定和糴之制馬端臨曰糴之說仿於齊桓魏文之平糴後世因之和糴則以平糴藉口者也合攷唐書食貨志通鑑唐紀文獻通考冊府元龜玉海諸書貞觀時緣邊數十州戍重兵營田地租不足供軍於是初有和糴甄文爲貞觀十四年蓋卽其時和糴以儲邊餉其後開元中廣闕輔之糴京師糧米益羨天寶中歲以錢六千萬緡賦諸道和糴米賤則少府加估而糴貴則賤價而糴大麻八年京師大稔減價輓米加價和糴以利關中興元時江淮豐稔詔加價和糴米三五十萬石貞元初召諸

道兵戍邊月給粟十七萬斛皆糴於關中三年最爲
豐稔詔所在加糴實強取之遣致京西行營動數百
里車摧馬弊破產不能支八年關輔屢豐江淮水旱
宰相陸贄上言關中歲運東方租米至有斗錢運斗
米之言今關中和糴可至百餘萬斛計諸縣船車至
太倉穀價四十有餘米價七十則一年和糴之數當
轉運之二年一斗轉運之資當和糴之五斗上命度
支增估糴粟三十三萬斛然不能盡用其議元和中
有司以歲熟請畿內和糴府縣配戶督限鞭撻甚於
稅賦寶祿元年詔兩畿及鳳邠涇等道和糴咸通七

年勅曰比爲傷農是開和糴如聞積弊繼有多端善
價不及鄉閭美利皆歸司局戶部擇人深頒峻法稍
循前弊必罪所司觀此可知有唐一代和糴之大畧
也號爲和糴其實害民歐陽子之言信有徵矣金石
續編
栗窖
磚後

此磚舊在宜興湯希山景濤處嗣與栗窖甄同歸

吳氏筠清館今不知所在矣文字多平曼後半損
缺据金石續編補注之余爲糴之省文見集韻莊
子天下篇鳩雜天下之川經典釋文云雜本亦作
采此則譌字也雜省爲采變爲来遂誤爲采耳以

為余通作雜則一誤再誤矣

左光祿大夫皇甫誕碑

貞觀末載卷四十四

萃編

於後葉

缺後葉二字

茅社表其

其上三字

媚川照闕曜奇

奇上五字

缺父璠

缺璠字

驃騎

缺驃字

居貞

缺居字

盡匡救

缺盡匡二字

譽光

光誤加

作鎮

缺鎮字

授公

缺公字

機起

缺起字

千段粟

缺段字

其隄

隅

缺隄隅二字

性命

缺性字

謂楷模

缺楷模二字

非命之酷

非下三字

莫識祭仲

仲上三字

平陵

缺平字

隴鍾生禁

禁上三字

殷后華

宗名卿胄系

后外七字

代德衣冠重世

世上五字

元輔參贊

機鈞王葉東封貳圖北啓

元下十三字均缺

青蒲

缺蒲字

就職望

重府朝譽聞宸極

缺就職望朝譽極六字宸誤震

橫古樹雲銷喬松敬

銘盛德永播笙鏞

德永外十
三字均缺

据宋拓本校補萃編列貞觀十三年之前金石錄

列貞觀末從之

幽州都督牛秀碑

碑斷缺拓本高二尺九寸二分廣一尺五寸六分存
十七行行存卅三三字字徑八分正書方界格篆額
失拓在醴泉

大唐故左驍衛大將軍幽州都督上柱國琅邪郡開國

公牛公碑銘

并序

若夫仰觀成象三辰開上將之星俯察成形九地摠中

權之術故迺聞鼓鼙而仁想

感

社告徵編星世貺受天明命光宅域中制軒弧而駕羣材乘夏載而朝萬國其有克家

平琅邪公馬

下空

公諱秀字進達其先隴西狄道人也因官而遷于濮龍首驚雷之澤龜文負卦之濱

之舊

龍

光照於緗篆鴻伐旌於表綴固以籠冕前載軌

暎後昆者矣曾祖定後魏韓州

顯銜

珠

之瑞齊潤仁敷導栢之流父漢隨濮州主

簿洺州清漳縣令蜀客談星

絃

之禮童戲叶之容開八陣之圖非冗覽於魚復體

三宮之奧焉取鏡於龍韜天

連拒箕亡咸池□三木之華湯谷□一枝之景綬岷壘
之烈火決渤海之衝流三戶□

□□□□□□□□命漕□之境□□橘柚之鄉咸造
和門策名麾下白馬之彌徒

□□□□□□□□□□□□□□□□□□□□□□
王□□□□□之□□□□□之

此後
曼威

碑泐下載其上載自十行以後亦磨泐不可辨此亦
昭陵陪葬之一種也其卒葬年月及撰書人姓名均
無可考今編附高宗時 牛秀唐書無傳太宗紀貞

觀十二年九月辛亥闢水道行軍總管牛進達及吐蕃戰於松州敗之二十一年三月戊子左武衛大將軍牛進達爲青邱道行軍大總管七月乙未牛進達克石城以上三條皆以進達書名而碑云諱秀字進達蓋以字行也

鈐清館金石記

宰相世系表漢有牛邯爲護羌校尉因居隴西後徙安定再徙鶻觚碑言其先隴西狄道人當亦邯之裔姜行本碑立於貞觀十四年其側題名有交河道行軍總管左武衛將軍某某縣開國子上柱國牛進達領兵十五萬時在戰松州之後考唐之武官左右武

衛大將軍各一員正三品將軍各二員從三品進達
蓋自左武衛將軍遷大將軍也

徐松

案碑在醴泉縣唐太宗昭陵陪葬功臣墓碑也記昭
陵陪葬者唐書七十四人游師雄昭陵圖百六十五
人文獻通考百五十五人及祁光宗關中陵墓志范
文光昭陵附蟄圖皆無秀名記昭陵金石文字者集
古錄目寶刻叢編諸書凡六十三碑明趙崡博加搜
採止得二十有二苟好善醴泉志止二十有一國
朝林侗昭陵石蹟攷所載十有六碑而已畢中丞沅
撫陝時親陟九嶷窮日搜訪得碑二十六通然皆未

見此碑此碑正書篆額額凡十二字可辨者惟大唐故左四字而已碑字磨泐惟右方上半段字畫完好前一行署銜云大唐故左驍衛大將軍幽州都督上柱國瑯琊郡開國公牛公碑銘其敘履貫云公諱秀字進達其先隴西狄道人也因官而遷于濮曾祖定仕後魏曾祖官階及祖名銜俱泐父漢隨濮州主簿洺州清漳令餘文皆剝落然則上所云因官而遷于濮者蓋秀隨父別駕時任遂寄籍其地爲濮人也秀卒葬年月及撰書此碑人姓名俱無可攷前錄文安縣主墓志亦陪葬昭陵而爲諸家記錄所遺者因以

秀碑附載其後以見卧麟荒冢斷碣必多留心訪古
當不止畢氏金石記所載已也

隋唐石
刻拾遺

按牛秀字進達唐書作牛進達蓋當時諸臣多以字
顯金石錄溫彥博碑跋尾云唐世諸賢名字可疑者
多封德彝名倫房元齡名喬高士廉名檢顏師古名
籀倫喬檢籀唐無所諱不知何避而行字予考姚思
廉名簡高季輔名馮徐文遠名曠陸德明名元朗尉
遲敬德名恭秦叔寶名瓊殷開山名嶠姜行本名確
許洛仁名濟張道源名河蘇定方名烈論惟貞名瑀
唐林璟名璿徐彥伯名洪薛仁貴名禮王方慶名絳

侯莫陳虔會名肅郎世業名頴張平高名崇王文泊
名洎姚善意名懿崔敦禮名安上盧懷慎名德慎盧
照隣名子昇韓仲良名良徐有功名宏敏嚴善思名
譔元行沖名澹武平一名甄泉獻誠名實郭元振名
震嚴挺之名浚又段志元獨孤延壽碑同缺其名要
亦皆以字行非必有所諱避也進達之先隴西狄道
人元和姓纂漢牛邯護羌校尉居隴西蓋其後也唐
書無進達專傳而列於忠義傳中太宗紀貞觀十二
年九月闕水道行軍總管牛進達及吐蕃戰於松州
敗之二十一年三月左武衛大將軍牛進達爲青邱

道行軍大總管以伐高麗七月牛進達克石城又貞
觀十四年美行本高昌紀功碑碑側刻交河道行軍
總管左武衛將軍上柱國□□縣開國公牛進達領
兵十五萬進達官勛可以互證唐會要文獻通考所
載陪陵諸臣不及進達惟宋敏求長安志昭陵陪葬
功臣大將軍以下六十四其第十一爲武衛大將軍
牛進達碑云左驍衛大將軍而志作武衛者本唐書
通鑑仍其前官碑從後衛也唐書忠義傳上載德宗
錄武德以來宰相功臣
勲名特高者以三等條奏第二等有左武衛大將軍
牛進達按左右驍衛武衛大將軍並正三品幽州大
都督從二品
嘉慶二十一年春陝西巡撫靖江朱公勲檄

雒南縣知縣諸城王君森文赴醴泉查勘唐昭陵陪

葬諸王妃主功臣墓道因獲此碑屬爲攷證雖非完
璧已足補正史及諸家志記之缺其文喬皇典則筆
法在歐褚之間與昭仁寺碑相近惜大半殘泐撰書
者皆不傳耳金石錄

右碑下截斷闕左方磨泐殆盡分行錄之得二百
七十八字文云父漢隨濮州主簿洺州清漳縣令
案隋書地理志甄城舊置濮陽郡開皇初郡廢十
六年置濮州大業初廢又清漳開皇十六年置屬
武安郡武安郡後周置洺州又永年舊曰廣平開

皇間改雞澤仁壽初改永年大業初置武安郡是
洺州之改武安郡在大業初年此稱濮州洺州蓋
漢爲令簿均在大業前也非冗覽於魚復冗乃究
之誤

八瓊室金石補正卷三十四終